

BOSNA I HERCEGOVINA  
 FEDERACIJA BOSNE I  
 HERCEGOVINE  
 ZENIČKO-DOBOJSKI KANTON  
 GRAD ZAVIDOVIĆI  
 Privredni savjet Grada Zavidovići  
 Broj: 02-43-2070/22-AP-4  
 Datum: 28.07.2022. godine



Na osnovu člana 13. Poslovnika o radu Privrednog savjeta Općine Zavidovići, broj: 02- 05-1818-AP-12 od 30.06.2017. godine i broj: 02-04-29/21-AP-25 od 27.04.2021. god., na 16. sjednici Privrednog savjeta Grada Zavidovići, koja je održana 25.07.2022. godine u Velikoj sali zgrade Grada Zavidovići sa početkom u 14:00 sati, sastavljam

### ZAPISNIK

Na sjednici Privrednog savjeta prisutni su: Hašim Mujanović, Džeraldina Miličević, Sabahudin Horozović, Mustafa Hasaković, Birnas Parić, Erna Merdić Smailhodžić, Mirela Bašić, Ermin Begović, Haris Mujanović, Enesa Bukvić, Slađan Ilić, Emir Okanović, Alen Muharemović, Amir Omerašević.

Na sjednici Privrednog savjeta nisu prisutni: Remzo Sinanović, Ajdin Polić, Asim Faljić, Admir Bajraktarević.

Prisutni izvjestioci na 16. sjednici Privrednog savjeta Grada Zavidovići: Izet Bašić-pomoćnik načelnika i Midhat Bajramović-pomoćnik načelnika.

Zapisnik vodila: Merima Bašić.

Konstatuje se da je na sjednici prisutno 14 članova Privrednog savjeta od ukupno 18 članova; izvjestioci ukupno: 2.

Konstatuje se da je prisutan potreban broj članova Privrednog savjeta da bi se moglo punovažno raspravljati i odlučivati, kako je propisano članom 7. Poslovnika o radu Privrednog savjeta, odnosno potrebno je prisustvo natpolovične većine članova.

Predsjednik Privrednog savjeta Hašim Mujanović predlaže sljedeći dnevni red:

- 1) Prijedlog Izmjena i dopuna Budžeta Grada Zavidovići za 2022. godinu,
- 2) Prijedlog Odluke o izmjenama i dopunama Odluke o izvršenju Budžeta Grada Zavidovići za 2022. godinu (**izvjestilac Ad.1. – Ad.2.: Midhat Bajramović, pomoćnik načelnika**),
- 3) Nacrt Plana upravljanja otpadom grada Zavidovići 2023-2027. god. (**izvjestilac: Izet Bašić, pomoćnik načelnika**),
- 4) Nacrt Odluke o izmjenama i dopunama Odluke o javnom redu i miru (**izvjestilac: Džeraldina Miličević, pomoćnik načelnika**),
- 5) Izvještaj sa prijedlogom za dodjelu poticaja-Program redovnih poticaja privredi za 2022. godinu (**izvjestilac: Merima Bašić, član Komisije za ocjenu zahtjeva za dodjelu poticaja privrede**),
- 6) Razno.

Dnevni red se stavlja na diskusiju i pozivaju se članovi Privrednog savjeta da predlože izmjenu ili dopunu predloženog dnevnog reda.

Predsjednik privrednog savjeta predlaže da se o Prijedlogu Izmjena i dopuna Budžeta Grada Zavidovići za 2022. godinu i Prijedlogu Odluke o izmjenama i dopunama Odluke o izvršenju Budžeta Grada Zavidovići za 2022. godinu raspravlja zajedno pod tačkom AD.1.

Prijedlog za izmjenu dnevnog red se usvaja jednoglasno i prelazi se na rad po istom.

**Ad.1. Prijedlog Izmjena i dopuna Budžeta Grada Zavidovići za 2022. godinu i Prijedlog Odluke o izmjenama i dopunama Odluke o izvršenju Budžeta Grada Zavidovići za 2022. godinu;**

Izvjestilac pomoćnik gradonačelnika Midhat Bajramović konstatuje da je pripremljen rebalans Budžeta Grada, koji će ići u prijedlogu na sljedećoj sjednici Gradskog vijeća Zavidovići. Navodi da je druga tačka dnevnog reda odluka koja sublimira raspored transfera po službama. Ukupan rebalans je predviđen u iznosu od 891.600,00 KM; opredijeljeni su za uvećanje transfera za poljoprivredu, zimska služba i održavanje ulica-uvećan za 20.000,00 KM; uvećanje plate službenika za 8,33%, naknade za penzionisane službenike, prijem volontera, poticaju u privredi, ulaganje u informatičku opremu, video nadzor grada (...).

Predsjednik privrednog savjeta otvara diskusiju po ovoj tački dnevnog reda.

Hašim Mujanović:

Konstatuje značaj uvećanja transfera u privredi i poljoprivredi; kao i da su predviđena sredstva za adaptaciju zgrade gradske uprave, te navodi da se očekuje još jedan rebalans do kraja godine.

Zaključak: Prihvata se Prijedlog Izmjena i dopuna Budžeta Grada Zavidovići za 2022. godinu i Prijedlog Odluke o izmjenama i dopunama Odluke o izvršenju Budžeta Grada Zavidovići za 2022. godinu.

Zaključak je usvojen jednoglasno.

**Ad.2. Nacrt Plana upravljanja otpadom grada Zavidovići 2023-2027. god;**

Izvjestilac pomoćnik gradonačelnika Izet Bašić konstatuje da je navedeni akt bio u nacrtu na prošloj sjednici gradskog vijeća; te da održana javna rasprava i da se još uvijek mogu davati mišljenja, sugestije i prijedlozi u vezi navedenog, a što bi bilo sastavni dio javne rasprave. Navodi da je riješen odvoz otpada na cijeloj teritoriji grada, osim u mjestu Hadžići. Ovaj dokument ima za cilj i provođenje aktivnosti vezano za prikupljanje i razdvajanje otpada/reciklažu. Predviđena je dodjela kanti za razdvajanje otpada u urbanom području grada, a da bi se uklonio što veći broj kontejnerskih lokacija u gradu.

Predsjednik Privrednog savjeta otvara diskusiju po ovoj tački dnevnog reda.

Mustafa Hasaković: postavlja pitanje vezano za razdvajanje otpada, odnosno šta će se desiti



ukoliko se ne razdvaja isti.

Hašim Mujanović: Navodi da je izvršena nabavka 5.200 kanti za 2.500 domaćinstava, te će se izvršiti raspodjela istih (dvije kante, gdje će se razdvajati organski otpad), da je sistematizacijom predviđen i komunalni redar koji će imati konkretna zaduženja za obilazak svih lokaliteta i sankcionisati one koji to ne poštuju.

Izet Bašić: Napominje da su uklonjene divlje deponije na 61 lokaciji u posljedna dva mjeseca, međutim primjećuje se da se na istim ponovo odlaže otpad, planiran je obilazak tih lokacija i evidentiranje navedenog i mogućnost sankcionisanja, a krajnji cilj je putem sredstava informisanja i mjesnih zajednica poslat sliku stanja i ukazati na navedeno.

Sladčan Ilić: Konstatuje da je evidentan napredak u upravljanju otpadom, rađeni su projekti; nadalje treba raditi na projektima edukacije građanstva.

Ermin Begović: Postavlja pitanje za odlaganje krutog otpada.

Izet Bašić: Navodi da komunalno preduzeće dolazi u određene dane i prikuplja takav otpad; te da je evidentno da se mora više raditi sa stanovništvom (educiranje, reklama, informisati stanovništvo). Odlukom je tačno utvrđeno na koji način se, koji dan i kako odlaže navedeni otpad, te da će u narednom periodu raditi više na informisanju i edukaciji stanovništva.

Hašim Mujanović: Navodi da treba prilagoditi i napraviti veće table koje bi informisale stanovništvo.

Mustafa Hasaković: (...)

Ermin Begović: (...)

Alen Muharemović: Navodi da ono što se proizvede, može se i reciklirati; obavlja tu djelatnost 15 godina; navodi da ta problematika može funkcionisati samo po principu nagrade i kazne; a što podrazumijeva nagraditi onog ko sakuplja i izdvoji, a kazniti onog koji to ne radi. Predlaže da ako se budu dodjeljivale kante za organski i neorganski otpad, da se organski otpad naplaćuje, a neorganski ne naplaćuje, ili ako neko miješa otpad, da mu se naplaćuju obje kante.

Zaključak: Prihvata se Nacrt Plana upravljanja otpadom grada Zavidovići 2023-2027. god.

Zaključak je usvojen jednoglasno.

### **Ad.3. Nacrt Odluke o izmjenama i dopunama Odluke o javnom redu i miru;**

Izjavitelj pomoćnik gradonačelnika Džeraldina Miličević konstatuje da se ovom odlukom ne skraćuje rad ugostiteljskim objektima, a da se odluka odnosi na reprodukciju muzike, odnosno da se određuje obaveza ugradnje limitera na uređajima za reprodukciju muzike za sve ugostiteljske objekte.

Nadalje obrazlaže da Odluka o zabrani rada nedjeljom za sve djelatnosti osim apoteka i pekara, nije u skladu sa zakonom.

Također, navodi da odredba o zabrani nasilja na društvenim mrežama, nije uređena propisima višeg reda, te iz tog razloga nije moguće odrediti mjere za provođenje, ali cilj je da se osude svi oni koji rade slične stvari na društvenim mjerama.

Predsjednik Privrednog savjeta otvara diskusiju po ovoj tački dnevnog reda.

U raspravi su uzeli učešće: Haris Mujanović, Erna Merdić-Smailhodžić, Sladčan Ilić, Enesa Bukvić.

Zaključak:

1. ugostiteljskim objektima dozvoliti rad do 24:00 sati, ukoliko je zakonom dozvoljeno,
2. noćnim klubovima i noćnim barovima dozvoliti rad do 02:00 sati uz obavezu ugrađenih limitera.

Zaključak je usvojen jednoglasno.

#### **Ad.4. Izvještaj sa prijedlogom za dodjelu poticaja-Program redovnih poticaja privredi za 2022. godinu;**

Izvjestilac član Komisije za ocjenu zahtjeva za dodjelu poticaja privrede Merima Bašić konstatuje da se na javni poziv za dodjelu poticajnih sredstava ukupno prijavilo 95 subjekata u privredi, od čega 13 nije zadovoljilo uslove za dodjelu istih po 4 predviđene mjere utvrđene Programom koji je donio Gradonačelnik. Preliminarna lista je objavljena na oglasnoj ploči i web stranici grada Zavidovići, na koju je ostavljeno pravo prigovora na iste, a koji se podnosi Gradonačelniku. Obzirom na ukazanu potrebu i veliki broj pristiglih zahtjeva Gradonačelnik je opredjeljenja da se Tekući transfer za subvencije privredi i za zapošljavanje uveća kroz rebalans bužeta; te da se sredstva isplate podnosiocima zahtjeva za poticaje u punom iznosu, kako je i prikazano u tabelarnom prikazu na preliminarne listama. Nadalje, konstatovano je da ukoliko se uveća iznos transfera kroz rebalans budžeta, koji će biti na dnevnom redu gradskog vijeća u julu, isti će biti isplaćen u 100% iznosu, odnosno u ukupnom iznosu od 105.879,84 KM.

Predsjednik Privrednog savjeta otvara diskusiju po ovoj tački dnevnog reda.

U diskusiji su uzeli učešće: Mustafa Hasaković, Erna Merdić-Smailhodžić, Enesa Bukvić, Hašim Mujanović, Ermin Begović, Slađan Ilić, Džeraldina Miličević.

Mustafa Hasaković: predlaže da se svim zainteresovanim privrednicima koji žele da registruju djelatnosti sugerise i odabir šifre djelatnosti, odnosno da državni službenik koji vrši registraciju, informiše sve zainteresovane o drugim poticajima, s drugih nivoa vlasti.

Hašim Mujanović: predlaže da se uvede za narednu budžetsku godinu i mjera za subvencioniranje učenika/lica koja su na praksi kod privrednih subjekata. Predlaže održavanje sastanka gradske uprave, Privrednog savjeta i škola sa područja grada Zavidovići vezano za navedenu temu.

Zaključak: Prihvata se Izvještaj sa prijedlogom za dodjelu poticaja-Program redovnih poticaja privredi za 2022. godinu.

Zaključak je usvojen jednoglasno.

#### **Ad.6. Razno;**


Diskusija:

Džeraldina Miličević konstatuje da nije bilo izmjena vezano za Status zaključaka donesenih na sjednicama Privrednog savjeta grada Zavidovići sa prethodnih sjednica.

Hašim Mujanović informiše članove Privrednog savjeta da mogu kandidovati pojedince, kolektive za priznanja Grada Zavidovića, koja će se dodjeljivati na svečanoj sjednici Gradskog vijeća.

Sjednica Privrednog savjeta završena u 15:54 sati.

ZAPISNIK SAČINILA

  
Merima Bašić

ZAPISNIK OVJERAVA  
PREDSJEDNIK PRIVREDNOG  
SAVJETA

  
doc.dr. Hašim Mujanović